

三茅真君加封事典卷下

致三

三茅真君加封事典卷下

致三

進封三茅真君聖號慶禮醮科儀

儀式如常至啓聖

臣聞天祐皇家保萬邦之黎獻國宗典禮徧  
羣望之山川靡神不宗諸福畢至瞻真仙之  
治所聳句曲之名峯藥館芝庭素嚴於祀事  
飈輪歛駕時格於靈存茲逢明聖之朝具舉  
緝熙之典肆頒綸詔式進徽稱勅太卜以消  
辰命有司而具禮玉蘭清潤佇笙鶴之凌空  
洞草晶輝迓簫鸞之簇仗臣等欽承宸命祇

告真靈齋意青詞謹當宣奏

宣詞

諦陳詞旨備見至懷淵聽至聰必蒙鑒省臣

聞陰德萬生溫密靜神於玉室躬備九德輝  
華刻簡於丹瓊繡羽斑輿浮空躡景綠旌紫

致三

節封山召雲因下戲於赤城時按臨於玉洞

聖主仰天心之愛宴私披地肺之圖爰舉微

章式褒顯蹟備成熙事嘉薦芬芳明德惟馨

至誠不息以今某朝行道請法衆等運茲初

捻上香願此香煙騰空供養

太元妙道冲虛聖祐真應真君東嶽上卿司  
命神君太元府得道高真願以是道力上祝  
皇帝聖壽無疆伏願真存臨格昭鑒居歆端  
應流光允副九天之眷厖洪隕祉永言萬壽  
之期致嘉靖於四方俾交欣於百樂

皇聞金光藏景同游浩洞之天紫素敷文以  
表神明之德載揚顯冊益薦崇稱被靈宇以  
伸虔集仙僚而交慶以今某朝行道請法衆  
等運茲二捨上香願此香煙騰空供養  
定錄右禁至道冲靜德祐妙應真君定錄府

得道高仙願以是道力上祝皇后伏願功銘  
鍾鼎德邁河沙益隆不技之丕基永保無疆  
之大曆神祇祖考來燕以來寧社稷宗祧以  
安而以永椒房福慶儀形萬邦玉葉蕃昌本  
支百世

致三

二

臣聞總括岱宗任上府神宮之邃掌封金籙  
植龍芝洞草之珍仁懷其文勇攝其武九陛  
飭褒崇之典羣心懷慶懣之誠敬肅蘭場恭  
陳藻供以今某朝行道請法衆等運茲三捻  
上香願此香煙騰空供養

三官保命微妙冲慧仁祐神應真君保命府  
得道真仙願以是道力導迎景貺敷錫庶民  
兵病不登雨暘時若三光全而寒暑節五穀  
熟而草木蕃育萬物以皆昌無一夫之失所  
吉無不利動則皆成

### 大謝

臣等棲身福地被教真仙窺琅笈之祕文典  
玉郎之上道忝恭祈禱仰賴感通誤膺世爵  
之頒敢負師恩之重恭承明詔馳進褒書輒  
膺慶贊之誠丕闡靈承之義庶伸忱悃上答

嘉休今皇帝俯眷名山仰崇真祐綸溫六字  
煥美號以增隆勅賁三峯霽御爐之清馥式  
嚴縟禮祇薦鴻名情見乎辭儀多在物臣等  
奉宣密旨延欸高真必冀鑒歆式符願望壽  
齊箕翼澤被華夷六宮交夢於熊羆四鄙蕩  
平於蛇豕匈奴欸塞無煩漢使之通多士在  
庭重見周官之盛社稷衍靈長之慶春秋書  
大有之年旁及飛潛俱全性命上以表三真  
之慈憫下以副皇帝之虔誠謹啓以聞

致三

三

十二願 復爐 如常儀

慶禮設醮儀

衛靈呪 發爐如常式出官

謹出臣身中如常式至同心上啓

三君聖位臣以宿命因緣叨行教法告盟之日約以行持誓當敷贊真風振揚大化永扶

國祚普為生靈凡有所祈理宜關奏臣今謹

為皇帝宣揚密旨昭告嘉封祇陳慶懺之儀

用集厯洪之福以今拜上青詞一通伏乞功

曹使者特為關啓速得上達云云以聞

各稱法位



具位臣某等上啓

三君洞天列聖臣聞九德功高太帝冊加於  
九錫三官任重真皇經受於三元道始師於  
總真籙畢傳於西母由無心於人爵乃證位  
於仙都瑤室瓊房治統於赤城玉洞鳳腴丹

藥宴集於句曲金壇佩鬱儀結璘之章得服  
日餐華之術化行江左福被吳邦天市風清  
時奏空中之仙曲洞庭浪闊路連地內之陰  
宮青童遺颺馭之蹤白鵠現軒翔之相以符  
法驅千妖之氣以神化順百姓之心嘗聞應

跡於人間未始離神於天上有情斯感無願  
不從今皇帝冥運一心遙瞻三秀式際休明  
之運緬懷道德之仙聲舉鴻儀丕陳顯冊蹟  
冲虛靜慧之美進聖德仁祐之稱宸命自天  
勅書照隴增群峯之煥耀新萬目之觀瞻載  
致三  
潔靈場對揚君命輒伸慶懺恭薦芬馨香裊  
名峯合鸞笙而共奏章吟空洞延鶴馭以來  
臨臣無任激切之至再拜奏請

請聖初獻

臣聞天人異世由兩儀四象之分兄弟齊仙

實千載一時之契友愛備書於藥笈靈蹤未  
泯於華陽奕世欽崇皇朝禮敬恭惟

祖師三茅司命聖德仁祐真君挺資冲漠抗  
志清虛古昔訶謠早驗嘉平之臘後先飛舉  
率由句曲之山仙賓師友定約以按行吳越  
人民悉歸於考校歲以艷陽之月飈乘汗漫  
之游左玉佩右金鐙擁八鸞於霄漢西峨眉  
東林屋現三鶴於峯頭不惟專罔福之權亦  
乃運吉凶之柄安人利物保國寧家道化潛  
行功成不宰今皇帝儲精道妙邁德帝先每

思綏靖之艱虞奉真靈之造既密切於護佑  
宜克盡於欽崇九陛頒恩三峯稱慶用報輔  
時之德載祈保國之祥爰肅清壇昭陳縟禮  
臣均霑王化幸處名山仰邀洞府之真旂對  
揚天子之休命願垂鑒照俯納虔祈設醮青

致三

五

詞謹當宣奏

宣詞

具如詞旨備列丹忱諒徹淵冲必垂鑒映臣  
聞聖人無跡或降跡於塵寰大道難名豈沾  
名於聖世今皇帝躬行慈儉遠達聰明追還

清淨之風崇厚澆漓之俗欽仙真之佳躅舉  
希闡之盛儀乃眷三君闡靈千古瑞應皇朝  
之四帝潤霑江左之羣元爰錫徽章崇加顯  
號更願不忘本始俯察宸懷申命崑臺降神  
仙嶽庶資衆妙用格多男衍玉葉之蕃昌保  
珠圖之綿久永依大道克著洪猷臣等無任  
激切之至

亞獻

臣聞神仙可學宿名定著於玄圖兄弟同昇  
篤志多成於善行乃眷天人之美並登帝所

之真載籍以來標題尤顯切仰三君之德森  
然萬世之芳道在邦家惠流民物夜炳丹光  
而巨燭春聯鶴馭以來歸奉師而相與遨遊  
好道者當與料理山川如故天地無窮今皇  
帝密感真休聿修報典雙鸞飛彩傳芝檢於

瑤階羣鶴翔空逋綸音於玉洞道俗歡呼而  
載路典儀祇薦於褒名庶期冲鑒之臨永侈  
蕃禧之錫臣等奉宣睿命仰贊仙猷洞磬琅  
瑛劬靈音而清徹溪毛澗藻進微欵於芬馨  
琳腴敢冀於刀圭繡羽仰旋於霄馭獻竒祥

於有地錫聖壽以齊天洪澤萬生皇圖億載  
五風十雨不破塊以鳴條四海九州悉包茅  
而貢篚椒掖報得男之喜揄防奏卻虜之勲  
年穀豐登黔黎怡泰然冀名山肅靜真教流  
傳化魔俗以革心俾學徒之進道飛潛遂性  
動植昭蘇一切有情俱乘妙蔭臣等無任激  
切懇禱之至

致三

六

終獻

臣等祗迓宸綸丕揚徽號敷陳典禮延欸仙  
真荷列聖之居歆副羣情之舒慶今則燈銷

蘭結香散芳雲遶仙仗之言旋望靈光而順  
拜欽承鴻貺仰戀鸞輿臣等無任攀戀望恩  
之至謹稽首再拜奉送

送聖

內官復爐如常儀

慶禮設醮儀終

皇帝設醮青詞

伏以聖人無迹馳遊八極之虛大道難名虔  
切羣心之慕允賴神靈之祐宜殫昭報之文  
肆舉徽章載加縟禮用恪伸於慶懺祈未介  
於休祥善利所加既錫黎元之福純禧來被



更延景曆之昌

內省張都知醮詞

伏以己峰

山記云山形似己字故以句曲為名焉

列峙儼仙聖

之真風三號雖殊煥熙辰之盛典初屬禮成  
之慶敢伸妙供之修仰奉明朝敬宣封冊伏

致三

七

願高仙昭格洞鑒冥扶萬壽無疆祐帝國之  
廣大三時不害永民物之阜安

宗禧觀醮詞

伏以玉音垂誥錫三號以褒真金籙宗禧領  
諸峯而祝聖恭承恩命仰贊仙游微臣幸際

明朝忝司教鑰觀一時之縟典煥千古之靈  
蹤乃聖乃神兼被德仁之祐卜年卜世永綿  
統緒之祥謹傾慶頌之誠聊效精修之供洞  
天香遠加稱萬歲之聲道境風清敷作羣生  
之福

奏謝加封 祖師真君恩禮表

臣師坦言恭蒙聖恩加封三茅真君聖號頒  
降告勅三道宣賜如意圭圭威儀錦幡沉香  
腦子新茶銀兩令臣設醮慶贊臣已仰遵聖  
訓率勵法流徧告三峯昭陳醮禮發揚君命

祈佑嘉生者臣伏以福地凝巖會四海華封  
之祝宸綸渙寵衍三君徽號之崇道俗歡迎  
神人感懌臣中謝切惟山留玉洞之治府內  
有金壇之虛臺鶴馭來遊歲校華陽之籍天  
皇授命董司吳越之疆道葉仙枝流芳千載

靈源真系被眷累朝祇荷殊恩載揚縉典即  
冲虛靜慧之美進聖德仁祐之稱彩誥臨峯  
夜雨澄清於巖谷迎輿戒道朝晴映曜於旌  
幢瑞靄祥煙徊翔鶴袂元圭如意敷露鴻儀  
熙事告功飄御爐之清馥羽流交賀沐上賜

之榮光瞻視一新邇遐胥慶茲蓋伏遇陛下  
明德陞祀以道化民爰申錫於褒章用益昭  
於敬事人悅則神罔不宥物備故禮得以成  
篤春之恩山林多幸曠絕之澤草木俱霑加  
賁已宏全福自至臣肅將王命揭處仙庭祝  
致三  
聖壽於無疆慶覃寰宇感真人之應禱輝麗  
前星臣無任感天荷聖激切屏營之至臣實  
惶實懼頓首頓首謹具表奏謝以聞

淳祐九年六月

日新特授左街道錄周煥先差昇西臺清節事官提督某

繳狀

具位

四月二十一日恭準 公文備奉

聖旨宣諭降賜到加封真君誥命三道宣  
賜如意玉圭錦旂威儀沉香腦子新茶銀  
兩令師坦擇日設醮昭告者

右師坦謹已恭遵聖訓逐一交領前件告命  
宣賜寶器物件關集闔山道俗出山恭迎望  
闕謝恩徧詣三峯敷揚君命以次擇日設醮  
昭告天地仙真事竟謹置典冊具載儀禮節  
次及將告命分貫三峯宣揚寶器交付山門

道正司崇禧觀永鎮名山仰延睿算今取到  
崇禧觀開具交管版冊一本三峯交領誥命  
寶播狀三本具表繳進伏乞台慈特爲聞奏  
伏候台旨

淳祐九年六月 日具位司徒師坦狀

致三

九

進加封告碑表

臣師坦言伏以三封加勅輝華句曲之山萬  
古不磨琢刻崑崗之玉路文龜而擁護聚羽  
鶴以觀瞻遙闕歸恩溥天知敬臣中謝切謂  
仙真之異固毋俟於表光功德於人有不容

於泯晦空現五雲而漢詔具在帝賚九錫而  
晉碑尚存自歷代以來蒙被眷渥今千載而  
下幸逢聖時聿闡褒章載崇顯號用侈靈祇  
之報倍為至教之榮謹鑿諸石以惟深期與  
此山而不朽茲蓋伏遇陛下德充濬哲心照  
危微飲函三於太和撫萬宇而無外日行其  
道坐凝百志之熙民莫能名躬致九功之叙  
不矜已治思答神休時加雨露之私頓覺煙  
霞之重臣去天易久承命惟新爰鏤堅珉永  
作羣峰之鎮摹成徹御敢祈乙覽之垂臣謹

狀

奉表繳進以聞冒瀆宸嚴下情無任激切之

至謹稽首頓首謹言

淳祐九年十二月 日具位 臣司徒 璽上

三茅真君加封事與卷下終



